



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2016. GODINU NAPREDNE DEMOKRATSKE STRANKE BIH

Broj: 03-07-6-639/17
Sarajevo, 23. juli 2018. godine

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	4
Predmet pregleda i kontrole.....	4
Cilj pregleda i kontrole.....	5
Obim pregleda i kontrole.....	5
4. PRETHODNE KONTROLE I REVIZIJE.....	5
5. NALAZI I PREPORUKE.....	5
5.1 NALAZI.....	5
5.2 PREPORUKE.....	7

MIŠLJENJE REVIZORA

Služba za reviziju finansiranja političkih stranaka je izvršila pregled godišnjeg finansijskog izvještaja Napredne demokratske stranke BiH za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2016. godinu, utvrđeno je da je Napredna demokratska stranka BiH prekršila odredbe člana 11. stav (1) i člana 12. stav (3) i stav (4) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Napredne demokratske stranke BiH za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Napredna demokratska stranka BiH nije ostvarila prihode, što je iskazano u sljedećoj tabeli:

R/B	Izvori finansiranja	Iznos (KM)	Struktura (%)
1.	Članarina	0,00	
2.	Prilozi fizičkih lica (3-a)	0,00	
3.	Prilozi pravnih lica (3-b)	0,00	
4.	Prihodi od imovine (3-c)	0,00	
5.	Prihodi od dobiti preduzeća u vlasništvu političke stranke (3-d)	0,00	
6.	Prihodi od poklona (3-e)	0,00	
7.	Prihodi iz budžeta (3-f)	0,00	
8.	Prihodi od propagande (3-g)	0,00	
I	Ukupni prihodi (1-8)	0,00	
II	Ostali prihodi i drugo	0,00	
	Izvori finansiranja (I+II)	0,00	

U godišnjem finansijskom izvještaju stranka nije iskazala rashode.

2. PREDSTAVLJANJE POLITIČKE STRANKE

Naziv političke stranke: Napredna demokratska stranka BiH. Skraćeni naziv: NDS BiH.

Napredna demokratska stranka BiH upisana je u registar kod Općinskog suda u Sarajevu, rješenjem broj: 065-0-F1-12-000004 od 08.03.2012. godine.

Sjedište političke stranke je u Ilidži, Mala aleja 40.

Lice ovlašteno za zastupanje stranke je Jasminka Viteškić, VD predsjednika.

Lice ovlašteno za finansijske izvještaje za 2016. godinu je Adnan Kozić.

Prema podacima iz godišnjeg finansijskog izvještaja za 2016. godinu, Napredna demokratska stranka BiH ima sljedeću organizacionu strukturu:

-NDS i

-OO NDS Ilidža.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Napredne demokratske stranke BiH za 2016. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Lokalnih izbora, održanih u oktobru 2016. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama poglavlja 15. Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka, te da li je ostvarila troškove izborne kampanje u okviru zakonom utvrđenog limita.

Obim pregleda i kontrole finansijskih izvještaja Napredne demokratske stranke BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled i kontrolu godišnjih finansijskih izvještaja Napredne demokratske stranke BiH za period od 2012. do 2015. godine, nakon čega su izdati izvještaji o pregledu sa mišljenjem revizora, nalazima revizije i preporukama stranci da poslovne knjige vodi u skladu sa računovodstvenim propisima, odnosno da vodi potpune evidencije o prihodima i rashodima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka i da poštuje i druge propise, prevashodno poreske, iz kojih proističu dodatne obaveze i troškovi.

Nerealizovane preporuke:

Na osnovu uočenih nedostataka u godišnjem finansijskom izvještaju za 2016. godinu, utvrđeno je da Napredna demokratska stranka BiH nije ispoštovala date preporuke.

5. NALAZI I PREPORUKE

5.1 NALAZI

a) Napredna demokratska stranka BiH prekršila je odredbe člana 11. stav (1) i člana 12. stav (4) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Napredna demokratska stranka BiH godišnji finansijski izvještaj nije popunila u skladu sa odredbama Pravilnika o godišnjim finansijskim izvještajima političkih stranaka- u daljnjem tekstu: Pravilnik, čime je prekršila odredba odredbe člana 12. stav (4) Zakona o finansiranju političkih stranaka.

Takođe je utvrđeno da podaci o početnom stanju na dan 01.01.2016. godine i saldu na dan 31.12.2016. godine na analitičkim karticama transakcionog računa, blagajne, trajnim izvorima i potraživanjima ne odgovaraju podacima iz Zaključnog lista na dan 31.12.2016. godine, što ukazuje da poslovne knjige nisu uspostavljene u skladu sa računovodstvenim propisima.

(1) Uvidom u Izvještaj o računima pravne osobe koji se vodi kod Centralne banke BiH od 30.06.2017. godine, utvrđeno je da stranka na obrascu 2 (pregled prometa svih transakcijskih računa političke stranke) finansijskog izvještaja nije iskazala transakcioni račun broj: 1941440089604164 otvoren kod Procredit banke d.d, a koji je ugašen dana 04.11.2016. godine, čime je prekršila odredbe člana 11. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

(2) Obrazac 2.1 (pregled stanja blagajne) godišnjeg finansijskog izvještaja nije popunjen u skladu sa odredbama člana 12. Pravilnika.

Stranka je na obrascu 2.1 (pregled stanja blagajne) godišnjeg finansijskog izvještaja iskazala podatke o prometu ostvarenom putem transakcionog računa, kako slijedi: početno stanje u

iznosu od 528,77 KM, promet ulaza u iznosu od 12.242,20 KM, promet izlaza u iznosu od 12.753,11 KM i stanje na dan 31.12.2016. godine u iznosu od 17,86 KM.

Uvidom u Zaključni list na dan 31.12.2016. godine, utvrđeno je da je stranka na dan 01.01.2016. godine imala sredstva na blagajni u iznosu od 1.210,00 KM, promet ulaza u blagajnu iznosio je 6.100,00 KM, promet izlaza iz blagajne 6.150,40 KM, dok je na dan 31.12.2016. iskazan saldo u iznosu od 1.159,60 KM.

- (3) Stranka nije u godišnjem finansijskom izvještaju koji je stranka dostavila u pdf formatu iz Aplikacije FI CIK BIH iskazala prihode, čime je prekršila je odredbe člana 13. i 19. Pravilnika. Kontrolom prometa izvoda sa transakcionog računa broj: 1941020089606125 kod Procredit banke utvrđene su uplate sredstava iz budžeta Općine Ilidža u iznosu od 12.127,20 KM. Stranka je u poslovnim knjigama i Bilansu uspjeha iskazala prihode u istom iznosu.
- (4) Napredna demokratska stranka BiH nije na obrascima 4 (rashodi političke stranke), 4.1 (režijsko-administrativni i ostali troškovi) i 4.2 (troškovi propagande) godišnjeg finansijskog izvještaja iskazala ostvarene troškove u iznosu od 12.688,51 KM, čime je prekršila odredbe čl. 21., 22. i 23. Pravilnika.

Kontrolom poslovnih knjiga utvrđeno je da je stranka ostvarila troškove u ukupnom iznosu od 12.688,51 KM, koliko je iskazala i u Završnom računu za 2016. godinu.

Prema podacima iz poslovnih knjiga i uvidom u akt stranke od 29.11. 2017. godine, utvrđeno je da je stranka za Lokalne izbore 2016. godine utrošila 4.093,00 KM, i to za: troškove štampanja plakata i afiša u iznosu od 2.500,00 KM, politički marketing (Radio ASK-a) u iznosu od 1.053,00 KM i ostale troškove propagande u iznosu od 540,00 KM¹. Takođe je utvrđeno da su režijsko-administrativni i ostali troškovi iznosili 8.595,51 KM.

b) Napredna demokratska stranka BiH prekršila je odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine².

Uvidom u službene evidencije, utvrđeno je da je Napredna demokratska stranka BiH dostavila postizborni finansijski izvještaj-Lokalni izbori 2016. godine dana 01.02.2017. godine tj. nakon zakonom propisanog roka, čime je prekršila odredbe člana 12. stav (3) Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Troškovi izborne kampanje

Prema odredbama člana 15.10 Izbornog zakona BiH, politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Napredna demokratska stranka BiH je u svrhu izborne kampanje mogla da potroši sredstva u iznosu od 18.855,60 KM.

Napredna demokratska stranka BiH je u postizbornom finansijskom izvještaju-Lokalni izbori 2016. godine iskazala troškove propagande u iznosu od 4.093,00 KM.

¹ Kontrolom poslovnih knjiga utvrđeno je da su navedeni troškovi evidentirani na analitičkom kontu troškovi raznih usluga u iznosu od 3.040,00 KM i na analitičkom kontu troškovi oglasa u iznosu od 1.053,00 KM.

² Politička stranka i nezavisni kandidat koji učestvuju na izborima za organe vlasti Bosne i Hercegovine na svim nivoima dužni su, Centralnoj izbornoj komisiji BiH, u roku od trideset dana od dana objavljivanja izbornih rezultata u Službenom glasniku BiH, podnijeti finansijski izvještaj za period od dana podnošenja prijave za izbore do dana objere rezultata izbora (postizborni finansijski izvještaj). U skladu sa odredbom člana 15.1 stav (1) Izbornog zakona BiH, krajnji rok za dostavu postizbornog izvještaja za Lokalne izbore 2016. godine bio je 01.12.2016. godine.

³ Član 15.10 stav (2) Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2 PREPORUKE

Preporučuje se Naprednoj demokratskoj stranci BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da poslovne knjige uspostavi i vodi u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u skladu sa rokovima propisanim odredbama Zakona o finansiranju političkih stranaka i člana 15.1 stav (1) Izbornog zakona Bosne i Hercegovine i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Napredna demokratska stranka BiH nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2016. godinu.

Šef Odsjeka za revizijske poslove

Sanja Tošović

Pomoćnik revizora

Anela Burdžović Kapić

Šef Službe za reviziju

Mr.sc Hasida Gušić